

開論驅出則可至其所遣軍人與唐人相戰至以石塊相擊又請殺軍  
蹂躪種穀且欲觀兵至為少矣請迎其職諫院亦啓崔世節加資事傳  
曰世節事依啓黔同島事臺論至當金鐵毒適之可也仍傳于政院曰  
黔同島事以憲府所啓之意更議于三公○夜北方巽方有氣如火○  
彥辰領議政鄭克弼左議政張順孫右議政韓致元啓曰平安道事憲  
府所啓不可與上國爭土壤之言是矣今以黔同島事前年我國請于  
遼東而遼東刷還其人焚家滅迹曰此島汝國主之云不得已我國主  
之也其以石塊相擊云者乃唐人所為非我國人所為也但先請于遼  
東然後踏損則可矣今以義州牧使金鐵毒為非而適之義州與遼東接  
境我國之言無所不通彼若聞其禁止唐人而見適則尤為凌轢其後  
莫敢誰何矣當此之機而適之恐或不可也且鐵毒所以請戢軍者一  
時并入諸島則恐其數少故云耳此則不可許也大抵土壤固不可與  
上國爭也然黔同島事臣等自少聞之本我國所耕之地而其後棄之  
未聞有中原人耕種之時也且義州人類皆得罪入居頑惡之民若與  
此人等相為交通則其患尤大臣等意聖節使入歸時諭于遼東猶以  
為遲但慮其煩瀆故如此啓之耳前者遼東大人與山東御史同議委